

沈席

師裕

徐福
輯

皇朝政典類纂

文海出版社

有限公司

印行

沈席

師裕

徐福
輯

皇朝政典類纂

文海出版社

有限公司

印行

皇朝政典類纂卷一百六十七

國用十四

會計 錢糧奏銷 各項報銷一

凡奏銷必以四柱之冊一曰舊管二曰新收三曰開除四曰實在司若道以冊申於總督巡撫加印而送部焉及本下十有四司各按其所隸而覈之會典

一各省每年奏銷地丁錢糧各該督撫繕造黃冊式長一尺寬六寸隨本進呈

一各省奏銷錢糧由藩司核造總冊申呈該管督撫該督撫核無遺漏濫支加鈐印信聲明具題不必另造總冊

一藩司攢造地丁奏銷冊於例限前令各屬先造草冊申送核發照造如款項數目不符卽於草冊內註明發回分別遠近定限補送其有怠玩成習屢催不應者提取攢造原冊之諳練經承赴司查詢不得擅提印官亦不得徇縱司吏多提縣吏在省攢造違者查參究治

一各省奏銷地丁錢糧令將起運存留撥用餘剩各款分列冊報其已經停辦折徵價銀者奏銷冊內毋庸仍列各項沿襲不經名色

一各省地丁奏銷凡有不符款項戶部卽據原題指駁令該督撫轉飭查明具咨登答戶部仍有駁查亦用咨文統俟一案錢糧全數登答清楚仍造清冊送部戶部於年底分省彙總具奏完結凡督撫登答部駁限

四個月逾限議處

一直省支存耗羨銀兩均於次年隨同地丁錢糧奏報並造送四柱款冊聽部查核彙奏如地丁奏銷展限其耗羨銀兩款冊仍按限造送逾限不送者題參議處

一新疆伊犁等處每年經費錢糧等項奏銷卽由各該處駐劄大臣分摺具奏造冊送部銷算年底仍各將奏撥經費銀數咨會陝甘總督彙冊報部其烏嚕木齊並所屬庫爾喀拉烏蘇精河及闡展巴里坤哈密安西等處設有郡縣者仍統歸陝甘總督題銷以上並則例

順治三年定官員造報各項文冊遺漏重開數目舛錯或多開少報遺漏職名者罰俸三月該管官未經查出據冊轉報者罰俸一月會典事例

康熙六年覆准直省錢糧由部查覈不必別設磨勘司責成各司於奏銷時詳加磨勘按年送御史刷卷會典事例

七年題准一應錢糧皆係地丁所出凡催提徵解均稱地丁錢糧除鹽課茶稅關稅蘆課並漕糧白糧各倉米穀等項考成既與地丁錢糧有異仍令照舊其土司進貢物料折色本色物料雜稅當稅稅契牙稅牛驢稅贓罰折贖等項非地丁所出亦仍舊各款開列至文武官師生空缺及扣罰俸銀隨時追取學租支給餘剩解部亦應照舊開造其餘一應地丁錢糧歲終奏銷時該撫將通省錢糧若干扣運若干存留若干撥過兵餉若干辦買顏料若干餘剩若干詳明造冊具報不必開列款項以便稽查會典事例

又題准直省錢糧每歲終巡撫造奏銷冊一本開列已完未完數目送部會典事例

十七年戶部遵旨會議各省動用錢糧司道等官須先申詳督撫預行題明如不申詳題明竟入奏冊請銷

者不准銷司道等官革職追賠督撫降四級調用如申詳而督撫不題明擅令動用者司道等官免議督撫照司道例處分惟正在用兵刻不可緩之時一面申請具題一面動用若不具題咨報擅自動用督撫司道各降五級調用所用錢糧令其賠補若司道等官並未申詳而督撫徑爲請銷者督撫降二級留任司道等官降五級調用其各省供應大兵俸餉米豆承放官重支不行扣抵承放官降三級調用其失察之司道等官降三級留任督撫降一級留任其重領官匿不自首者革職重領銀米賠還其失察之參領等聞大將軍俟回兵之日從重議處綠旗官員亦照此例至各省供應大兵米豆草束價值浮冒開銷等弊經督撫查參照貪官例革職提問如已銷結別經發覺者督撫一併照貪官例治罪從之通考

二十三年 上諭大學士等曰戶部管理各省錢糧一時難以清楚地方督撫將在庫銀兩挪移私用雖云補墊及至題奏時每多朦混銷算部內無憑稽察百姓深受其害卽今原任廣西巡撫郝浴侵欺銀至十九萬兩由此觀之天下類此者不少朕日夜思維欲清查各省錢糧訪之外任官員及督撫等皆云清出存留錢糧則別項錢糧自必清楚朕思此事一行雖在外督撫司道不無被罪實於國家有益果錢糧充足更可爲加恩百姓之用今九卿曾爲外官者多知之必詳爾等會同詳議具奏 聖訓

尋議一奏銷錢糧應將存留起運逐項分晰并報部年月明白造冊毋致朦混駁查如有駁回者將該督撫照朦混例處分戶部官不行詳查亦交吏部議處支給各省駐防及綠旗各官兵米豆草束除應折色地方不議外如應支本色儘本省所收支給如有不敷照時價給發如將價值浮折具題者該管官及督撫照例處分一各省採買米豆各項從前有價值浮多者有支領並無實據者令該督撫清查定限一年追完如不完承催官

及督催之督撫俱照不力例處分一兵馬錢糧數目有舛錯者應令各省將軍督撫提鎮將各弁印領結狀按季送部核對如有不符照朦混例處分一直隸各省奏銷錢糧凡有駁查者俱令具題完結不得以咨文塞責議入得 旨本內第一款奏銷駁察事情著照現行例餘依議通考

二十八年議准每年未清錢糧後雖俟各項歸結但不肖官不實心奉行往往別生支節故意耽延不免舛錯遺漏遲延諸弊令巡撫布政使司每年冬杪將現在未完各項事件分晰造具簡明清冊送部以便稽查此項冊籍皆布政使司經管令布政使司造送如有假藉造冊名色致累各屬者督撫題參議處會典事例

三十九年諭工部情弊甚多後凡有修理之處將司官筆帖式俱奏請派出每月支用錢糧分晰細數造冊具奏若三年內有坍塌者著賠修通考

四十五年諭著戶工二部將不敷奏用咨文動支大小款項錢糧于月終彙奏通考

四十八年諭工部光祿寺每年所用銀兩奏請預爲儲備赴戶部支領用完復奏一年之內光祿寺用二十餘萬兩工部用四五十萬兩至百萬餘兩不等俱造黃冊奏閱所用數目雖較前略省而動工之處奉委官員於未估計之先卽已領銀備用以致浮支肥己之弊不絕嗣後工部光祿寺十五日一次將所委官姓名及支給銀數具摺奏聞又凡督工人員於工竣銷算延挨時日至十年銷算者有之至二十年銷算者有之凡工作物料俱登冊籍何故稽延若此不過欲從中作弊耳嗣後銷算如有踰年者立卽奏聞罷撤通考

六十一年諭一應奏銷賦銀米穀物價工料必詳查數實開造清冊具奏毋得虛開浮估儻有以少作多以賤作貴數目不符數估不實者事覺之日將堂司官從重治罪會典事例

雍正元年諭各省奏銷除地方正項錢糧及軍需之外其餘一應奏銷積弊甚大一無部費雖常用之項冊檔分明亦以本內數字互異或因銀數幾兩不符往來駁詰不准奏銷一有部費卽糜費錢糧百萬亦准奏銷或將無關緊要之處駁回以存駁詰之名掩飾耳目咨覆到日旋即議准內外通同欺盜虛冒此等情弊盡在皇考睿照之中 聖恩寬大未行深究朕今不得不加整理嗣後一應錢糧奏銷事務無論何部俱著怡親王隆科多大學士白潢左都御史朱軾會同辦理 雍正內閣 上諭

二年九卿議奏河工應行奏銷錢糧俱於年內題銷奉 上諭九卿議將康熙六十年六十一年河工用過錢糧未經題銷各案速行查明於歲內造冊題銷朕思此事難行令河臣查奏果係今年斷不能完如將此事交與伊等能於歲內完結乎九卿並未計及便與不便遽行如此議奏者特謂年內如不能題銷河道總督等自必題請展限姑且推諉內外事情俱屬一體凡事皆當揆情度理酌量事宜似此推諉議奏不但事件不能結案往返行文題奏反致多事年內果否能造冊奏銷之處著問九卿 雍正內閣 上諭

三年諭向來各部院動用錢糧俱係各衙門自行奏銷往往無從稽考朕辦理之初不得不加意經理是以設立會考府以司察核自雍正元年以來迄今將及三載辦過各部院奏銷錢糧事共五百五十件內駁回應改正者共九十六件似次則部院事件之不能無誤而會考府之有益於察核可知矣但恐設立日久多一衙門卽多一事端嗣後著將會考府停止凡爾部堂司官各宜秉公抒誠以盡職業勿謂無人稽查遂草率朦混致自干罪戾 通考

六年諭據福建巡撫朱綱摺奏閩省州縣存留錢糧項下每年額供馬快工食銀三千三百餘兩草料銀六千

餘兩此項於康熙十七年間奉裁後於康熙二十二年仍復其舊而其實有快蕪馬每年餘剩草料銀六千餘兩藩司分送督撫等衙門書吏爲鹽菜之需相沿四十餘載合計冒開銀不下二十餘萬兩此實關係糧應請徹底清查於原任督撫藩司名下分股著追嗣後將此項永充兵餉至於幫補督撫衙門書吏之處臣同督臣酌捐量給等語朕覽朱綱所奏甚爲明晰可嘉但從前督撫等沿習陋規未肯釐剔亦尙屬可恕著將從前應追銀兩不必究問嗣後著朱綱與布政使趙國麟秉公辦理可也雍正內閣 上諭

七年議准地丁錢糧奏銷定例直隸山東山西河南陝西令四月到部江蘇安徽江西浙江湖廣令五月到部福建四川廣東廣西雲南貴州令六月到部務須遵照定例依限奏銷其有不能依限奏報者請題展限或實因州縣造冊遲延具題參處者除造冊遲延之州縣照例議處俟造送之州縣彙齊奏銷外其具題之日卽將各該州縣已完未完數目並造冊遲延之各該州縣已未完數目一同據實造冊先行送部查議會典事例八年題准山西大同朔平二府僻處邊隅播種收成氣候獨遲必俟九月登場方始開徵催納若一例於四月奏報經徵僅止數月各員徒受參罰自雍正八年爲始於次年年終別冊奏銷會典事例

十年奏准各省奏銷登答有遲延二三年甚至遲延數十年始次第請給者增改率混實滋弊竇嗣後本年一應奏銷登答務於次年十月內按限清理如果頭緒繁多實不能依限者督撫題明量予展限備有任意遲延希圖牽混者參劾議處會典事例

十一年題准江南安徽巡撫駐劄安慶藩司駐劄江寧與各省撫藩同城者不同其奏銷既照各省之例由藩司彙造送覈自雍正十二年爲始量予展限一應奏銷定爲六月題報至各官分別考成仍照定制扣限截數

不得稍有朦混會典事例

十二年大學士兼管兵部尚書鄂爾泰奏兵部堂司各官蒙混造冊冒銷驛站錢糧奉 上諭山東驛站奏銷各項雜用銀兩弊端百出從前兵部堂官何以不行查察此等情弊非只泛看題稿而能查明者若不將歷年案卷逐細留心清查何能得明事之根原此案雖由兵部公同具奏實係大學士鄂爾泰一人查出辦理者如此實心任事方不愧為朝廷大臣將此等留心政治為搜求深刻可乎從來大姦大弊皆由小事積累而成若能不時留心查核遇有一毫情弊卽行革除何至滋蔓為害況釐姦剔弊全在平時今蒙 上天慈佑國家昇平正宜及時綢繆整理內外大臣應共相勉勵者據兵部如此則別部此等情弊亦所不免著將此摺交與各部院堂官看閱若各部院俱能如此實心查察何弊不可清除大學士鄂爾泰著交部議敘范時繹喀爾吉善楊汝霰著交部察爾善泰通智鄂善高起任事未久從寬免交部雍正內閣 上諭

又奏准各省奏銷現年錢糧卽將每年未完項下續完若干仍未完若干並動用存貯各數目令該省分別年限彙造清冊別繕題本隨本年奏銷同題該部按年查覈別行繕本隨本年奏銷一併題覆其餘年限案內咨部者統於年內分年確覈彙題會典事例

乾隆元年題准熱河完糧以六月為麥秋九月為大秋分為兩限完報至次年四月奏銷限內不獲全完准於奏銷冊內造明扣滿年限揭參會典事例

二十三年議准各省錢糧奏銷令藩司覈造總冊甲呈該督撫細加考覈於司總冊上鈐蓋印信聲明並無遺漏濫支字樣繕本具題其督撫總冊停其造報會典事例

二十七年題准江甯藩司遠駐江甯與江蘇巡撫不在同城應造奏銷冊籍繁多覆敷往返需時准其展限一月題報會典事例

三十七年奏准各省地丁奏銷造報全數通完之案陸續到部逐案題結未免繁冗嗣後各省地丁奏銷全案清結該督撫造冊咨部於年底分省彙總具奏完結會典事例

三十八年諭據程景伊等奏銷修理吏部衙署用過錢糧數目一摺內有行取戶部顏料值銀八百三十三兩零取用工部杉木值銀八十六兩零工價錢六千一百九十串零按依時價核值銀六千六百十兩零令該部扣完還項等語各衙門奏請借項修葺衙門分年扣完者止應就採辦物料給發匠工各項費用按數歸還若戶部顏料工部木植及工價錢文皆係部內現有之官物只須核實報銷若亦令作價扣繳竟是將官物出售成何事體所有此項價值六千六百十兩卽毋庸扣還嗣後各衙門有借項修理奏請分扣者均照此辦理通考

三十八年諭伊寧等處辦理銷算事件不必仍行文總督衙門咨部嗣後卽由伊犁將軍衙門承辦應行具奏者具奏應行送部者送部銷算欽此嗣經奏准烏魯木齊關展巴里坤均設有地方官一切倉庫經費錢糧供應等事均由內地辦理與哈密西安無異應仍由總督衙門覈銷至伊犁塔爾巴哈台烏什庫車喀喇沙爾葉爾羌等處每年經費錢糧等項奏銷由各該處駐劄大臣分摺具奏造冊送部銷算年底仍將奏撥經費銀數咨會陝甘總督彙冊報部會典事例

三十九年奏准庫爾喀拉烏蘇及精河等處係烏魯木齊所屬其歲需錢糧造銷冊籍仍統歸陝甘總督題銷

會典事例

四十七年議准烏嚕木齊鎮迪道各屬每年地丁錢糧造具考成冊籍由該道彙齊合造總冊呈齋都統查覈後於次年三月咨送內地專案題銷會典事例

又議准烏嚕木齊鎮迪各屬每年造報供支新疆倉穀奏銷細冊由鎮迪道覈明提造總冊於次年四月內呈送內地會辦題銷會典事例

又議准回疆各處除吐魯番通東設有府廳州縣者其錢糧奏銷會同陝甘總督確查報銷外至烏什葉爾羌喀什噶爾庫車喀喇沙爾等處各項銀糧准其由各該處大臣自行報銷仍於奏銷時一面咨部一面將造銷數目移咨陝甘總督隨時查察如各處經管司員有任意支領侵蝕者將辦事大臣分別議處會典事例

四十九年覆准各省額徵耗銀除江蘇省之漕項鹽課河湖灘租各案奏銷限期不同均隨正銀分案造報其餘各款耗銀彙同地丁耗羨併爲一冊首列額徵次列已未完災緩各數隨同地丁奏銷於次年五月底另疏題報其雜稅耗羨另造一冊分案報部至地漕等項耗羨已未完各數均照正項之例於次年四月月底截數造報雲南省於三月底造報會典事例

五十五年諭穆和蘭奏查明每年實欠錢糧數實奏銷一摺據省上年地丁雜稅等項未完銀六十七萬六千餘兩而五十三年亦尚有未完銀十萬三千五百餘兩此項未完銀兩未必實欠在民卽如江蘇高郵州書吏私雕假印偽串冒徵百姓胥受其愚而句容縣糧書侵用錢糧盈千累萬皆係以完作欠歷年吞蝕由此而推可見閭閻受國家百餘年培養愛育之恩深仁厚澤無不浹髓淪肌窮年力作之餘皆思踊躍急公輸將恐後

而露書猾吏等假捏串票任意侵漁使小民急公奉上之誠轉爲若輩私肥囊橐之計甚而地方官知朕無時不以惠養黎元藏富於民爲念輒思積欠過多自必蒙恩豁免因而急於徵催影射入己作爲未完者想亦不少朕臨御五十五年勤求民隱孜孜不倦凡遇水旱偏災無不先期諮詢重則加恩槩予蠲免輕則准其分年帶徵俾窮簷蔀屋咸躋盈甯朕之於民未嘗不體恤周至乃督撫牧令等既不能宣達朕意又使書吏從中侵蝕豈得謂尙有人心者乎愚民易於欺虐不受奸吏重徵之累已屬倖免寧有應交正項錢糧敢於遲延觀望耶封疆大吏皆係受朕委任重恩不於此等關繫民生休戚之事盡心稽察則其他更不可問矣嗣後各省督撫等於藩司奏銷之期務須將未完各項是否實欠在民悉心體訪徧行曉諭務使急公之戶不受重徵方爲無忝厥職見在高郵句容二案接踵發覺想各省亦必有似此者俱著徹底清查毋任官侵吏蝕虧累民體經朕此次諄切曉諭之後尙思通同隱飾希冀掩蓋消弭一經敗露書麟閔鶚元等卽前車之鑒慎毋自蹈覆轍也東華續錄

五十六年議准河東鹽課歸入地丁攤徵按年催徵通完批解司庫報撥其奏銷冊籍由該管道府州覈定送司仍留課銀名目另款造冊於每年四月題銷會典事例

嘉慶三年覆准西北兩路新疆地方每年動用錢糧欽奉諭旨停止具奏咨部彙題所有新疆各處大臣每奏銷均於次年四月造具總散清冊咨部會覈彙題會典事例

又靜准浙江杭州滿營牧廠餘地及塘外沿江漲復新沙開墾地畝種植木棉徵收租錢定限於次年五月年內專款造冊奏銷會典事例

咸豐八年江西巡撫耑奏八年分上忙丁耗錢糧請展緩造報 諭曰著照所請展至本年九月惟不許俟

五六七三年奏銷具題後辦理以期早清款項各歸各案勿許含混 聖訓

同治五年諭內閣蔣益澧奏勒限趕辦奏銷請嚴定遲逾處分一摺各省地丁錢糧爲國家惟正之供州縣之有無虧挪全憑奏銷爲考覈廣東辦理奏銷例定於次年五月由藩司將收支數目彙造總冊分款詳請覈咨乃該省自辦理軍務以來連年展緩迫展緩期屆仍未能依限具題竟至同治元年分奏銷延至本年五月始行造竣若如此逐年遞推尙復成何事體該撫奏請提前趕辦嚴定遲逾處分具見辦事認真可嘉之至近來各省州縣徵存錢糧造冊任意延閣以致挪新掩舊弊端百出並著各直省督撫嚴飭藩司破除情面勒限清釐所有錢糧奏銷各冊均須依限造報儻任意稽遲卽著該部照例參處以重國帑而杜弊端 聖訓

包世臣致江西新撫部陳玉生書江右年限奏銷最嚴州縣什七八不能任兩年與江蘇同而道府以年限案開缺則各省所未見故接任州縣不能不挪經征錢糧爲前任辦奏銷以保道府考成是江右奏銷歷係以欠作完從無以完作欠弊混之事唯以欠作完入冊報部而以實欠在民者作抵入交上年奉豁道光十年以前民欠則交案盡翻現在清查局查出應賠銀七十餘萬若追經征之員徒累孤寡而肥書役於帑項斷無實際若問奏銷之員則全已墊完今又着賠尤爲重困官旣困甚終必困民而乃困督徒爲不肖吏藉口挾制上游耳張南昌謂前在戶部曾見墊完民欠逕請豁官之案欲援案聲請以全省局而前院前司莫敢執咎南昌業已遣人赴都抄錄成案將來抄案到西閣下察覈若可與仿行不唯惠徧屬吏實則澤周窮黎也 安吳四種

右錢糧奏銷

乾隆三年停罷懷來等縣捐辦楊木長柴所用價值入地丁冊報銷通考

四年諭據工部奏稱直隸山東甘肅等省開報城磚石灰等項價值較原定價或少一倍或少數倍前後多寡甚爲懸殊今請將原定價直浮多款項行文各省督撫確查本處實價一一更正凡類此等款項一併查改報部朕思今日開銷之價直既大減於前則從前所報之價顯係浮開工部何以不行指參而但請行查各省照實價改正夫前此所開之價既不足憑則此番改正之價又詎可以爲據乎假有狡猾之人避重就輕以開價少者爲錯誤以開價多者爲實數該部又何以辨其虛實耶總之百物價直原屬隨時增減各省不同卽一省之中各郡縣亦不盡一令預定數目永遠一例遵行則價賤之年必有餘貲以飽官吏之私壘弊在侵漁錢糧爲害尙小若價貴之年採辦不敷勢必科派閭閻弊在苦累百姓爲害甚大惟在各省督撫留心訪察詳確綜覈既不使恣意浮冒虛糜國帑又不至苛刻從事貽累官民庶爲公平之道又豈預立成式所能杜絕弊端乎其應如何酌量定例之處著大學士九卿會議具奏通考

八年從江蘇巡撫陳大綬請將兩淮歸公鹽規銀六萬五千四百五十兩全數撥解藩庫歸併耗羨存公統用

轉銷通考

十九年戶部議江蘇巡撫莊有恭奏乾隆十六年 聖駕南巡報銷錢糧應照例核減奉 諭旨該部此案自應照例議駁但十六年初次南巡該省辦理一切俱未有意程往返駁查徒滋案牘著准其開銷通考

又 諭外省動用錢糧及工程報銷應駁應准俱有定例乃督撫往往于部駁後展轉行查不卽剋期辦給或

批屬員詳稟疊次聲覆請銷而該部乃復往還駁請以至屢案累積追歷年久遠官吏迭更徒滋拖累此向來相沿陋習殊非敬事勤政之道現據劉統勳策標查奏江南興修水利以來有歷十餘年至二十餘年未結之案自雍正四五年間屢案尚有懸擱者此等案件如果有浮混自當據實查明催究完款何至任意遲延歷久不結如果無情弊亦當請豁免累嗣後報銷之案符例者該部不得漫行駁詰例應駁查者至三次後該部卽具摺聲奏或按例核減飭交該督撫查明經手官員照數追賠完案或據情酌予豁銷務令尅期速結仍著於每歲底將未完各案彙摺奏聞其現有從前未結各案著予限一年令戶工二部通行查明分別辦理完結通

考

二十六年戶部議駁江蘇巡撫陳宏謀奏乾隆二十六年 聖駕南巡一切船隻馬匹車脚營尖橋道各項價值或與上屆不符或價值浮多應令刪減得 旨准其報銷通考

三十七年諭工部以哈密巴里坤等十二處物料價值前經駁令陝甘總督查核屢次咨催久未奏報請令該督速行更正刪減造冊具奏一摺殊未得辦事要領陝甘總督向駐內地新疆甚遠一切物價何由深知伊犁喀什噶爾等處俱駐有辦事大臣若令其就近稽查則數易覈實爲期亦能迅速嗣後該部遇有新疆應行駁查料值除照常行知該督外卽一面專行各該處辦事大臣就近作速確查會同該督核實報部辦理著爲令通考

又諭工部核銷三官廟工程銀兩一摺內開承修監督請銷工料銀二萬一千二百四十兩零比較原估節省銀三百四十六兩零該部按冊核減銀一千一百九十三兩零請將核減銀兩併自行節省銀兩交納戶部

歸款等語雖係照向例辦理未爲妥協夫所謂節省者本謂無可核減而能節省而言若既經核減則造報時所開實用銀數已屬浮多便不當復云節省況節省一款與核減條目並傳轉不足以服承辦人員之心嗣後該部核銷各處工程除報銷時自行節省而該部無核減者仍准存節省名目外其有呈報節省復經該部核減者卽將節省銀數歸入核減款內無庸另開節省條目以免重複著爲令通考

四十年諭吳嗣爵題歲報河道錢糧一疏尙係乾隆三十七年分動支收存之數辦理太遲河道錢糧等項例應按年造報原欲周知一歲河道工程之多寡鉅細以憑核實稽查卽云俟各司道陸續造送查核需時則三十七年之案亦應在三十九年正月出本斷無查辦不及之理今乃遲至四十年冬間具題中間已閱三載實屬遲延嗣後河工歲報錢糧俱著次年全數查明於第三年正月開印後具題如有逾期卽查明參奏通考

四十六年諭袁守侗海祿前赴行在軍機大臣傳旨詢問直隸雲南賞兵銀兩支銷款項據稱直隸裁扣公糧銀二萬兩雲南裁扣公糧銀一萬六千餘兩以備實用等語看來各省大都如此兵丁紅白銀兩原係加惠營伍格外施恩若因此裁扣名糧致兵額不足殊非核實營伍之道況今戶部帑項豐盈各省藩庫積存充裕卽現在京營派兵四千九百名陝甘二省各營添兵一萬二千九百餘名其馬步糧餉合之各省兵丁賞恤紅白銀兩約算歲支尙不及百萬國家何靳此費不令開銷正帑而各省乃紛紛裁扣名糧又且請復生息甚無謂也朕臨御四十六年以來惟事事以敬天勤民爲念凡三次普免天下地丁錢糧兩次普蠲各省漕糧以及遇災卹卹總計何啻萬萬又並未加增賦稅仰荷上蒼嘉佑開拓邊陲府藏殷實國用充饒朕又豈肯稍存新情致令有司開聚斂剋扣之端乎所有各省營伍賞恤兵丁紅白銀兩自乾隆四十七年爲始俱著於正項

支給造冊報部核銷至各省提鎮以下武職員弁俱有應得坐糧馬乾等項前於六月內業經降旨通諭各督撫將各該省武職所得公項逐一查明覆奏俟奏報到齊令軍機大臣會同該部核辦照文員之例議給養廉其所扣兵餉即可挑補實額核計添給養廉歲支亦不及二百萬兩官員既無拮据而各省又增添兵丁於營伍大有裨益朕御極之初戶部庫項不過三千萬兩今已增至七千餘萬復有何不足而不加惠天下散財以得民乎所有辦理緣由明晰曉諭中外知之通考

五十二年諭欽差大學士公阿桂據工部奏覈撥奉奉翰等題報黃運兩河各處漫工堵築用過工料錢糧內司家莊等處漫工例外多用銀七萬七千二十一兩零請著落該督等及承辦各員照數賠繳嗣後各項工程所用物料價值如有必需逾例加用之處務須先行專摺奏明以杜浮冒等語前此豫省堵築漫口原因工程較大需用物料甚多為期緊急且因該省連歲荒歉經阿桂等據實奏明於例價外復有加價是以格外加恩准行而所加之價比照例價多至數倍他省原不得援以為例此次南河司家莊等工本非若豫省堵築漫口大工可比卽漫口工程水勢湍迅需用物料緊急較之尋常歲修搶修自未免稍有加增亦當定有限制今該部以豫省所用例外加價係豫行專摺奏明而司家莊等工並未將應行加價之處先行陳奏不准報銷雖若慎重錢糧起見但將來該省如遇此等工程若因此奏輒援豫省之例豫行奏明亦以藉口物料昂貴請於例外加價該部於豫省既辦有成例則於南河工程勢不能不准其報銷是以此次司家莊等工例外加價銀兩雖令其照數賠繳而將來轉得援照豫省之例多加價值豫行奏明以為加倍浮銷地步是名為嚴之實所以寬之況此案自乾隆十八年以來成案可循似非初見該部所奏殊覺止却其一未知其二著將工部原摺發